

ՆԵՐԱԾՈՒԹՅՈՒՆ

«Հայրի՛կ, բացատրի՛ր ինձ, ինչի՞^օ է պետք պատմությունը»: Տարիներ առաջ իր պատմաբան հորը այսպիսի հարց տվեց մի մանչուկ, որն անչափ հարազատ է ինձ: Կցանկանայի ասել, որ պատասխանս ահա այս գիրքն է, որ պիտի ընթերցենք: Քանզի գրողի համար ես չեմ պատկերացնում ավելի մեծ գովեստ, քան այն, որ նա կարող է միևնույն տոնով խոսել թե՛ ուսյալների և թե՛ դպրոցականների հետ: Նման բարձր պարգուծյունը, սակայն, լոկ մի քանի հազվագյուտ ընտրյալների մենաշնորհն է: Ու թեև այն պահին ինձ երևի թե չհաջողվեց լիովին բավարարել երեխայի հետաքրքրասիրությունը, բայց գոնե նրա հարցը ես սիրով կպահեմ իբրև գրքիս բնաբան: Անտարակույս, ոմանք միամիտ կհամարեն դրա ձևակերպումը: Մինչդեռ ինձ, ընդհակառակը, միանգամայն պատշաճ է թվում: Խնդիրը, որ այն առաջադրում է այդ համառ տարիքին բնորոշ կարկամեցնող շիտակությամբ, ոչ ավել ոչ պակաս, պատմության օրինականության խնդիրն է*:

* Մարկ Բլոկի նշումը. «Ինչում էլ սկզբից ևեթ և առանց հատուկ միտումի հակադրվում եմ Լանգլուայի և Սենյոբոսի “Պատմական հետազոտությունների ներածությանը”: Հատվածը, որ ընթերցեցինք, վաղուց արդեն գրված էր, երբ հիշյալ աշխատության նախաբանում (էջ XII) աչքիս ընկավ “անկարևոր հարցերի” մի ցուցակ: Այնտեղ բառացիորեն նշված էր այս մեկը. “Ինչի՞^օ է պետք պատմությունը”: Այս հարցից, ինչպես և մեր արարքների ու մտքերի գոյության իրավունքին առնչվող գրեթե բոլոր հարցերից, անկասկած հետևում է, որ այն մարդիկ, որոնք ի բնե անտարբեր են դրանց նկատմամբ կամ գիտակցաբար որոշել են այդպիսին դառնալ, միշտ դժվարանում են հասկանալ, թե ինչպես են

Ահա և պատմաբանը կանչված է հաշվետվութայն: Նա կխիզախի անշուշտ, բայց ոչ առանց ներքին սարսուռի. իր արհեստում ճերմակած ո՞ր մի վարպետն է, որ սրտի ծակոց չի ունեցել այն հարցից, թե՞ ողջամի՞տ է արդյոք ինքն օգտագործել իր կյանքը: Բայց այս քննարկումը շատ ու շատ վեր է արհեստակցական բարոյականութայն [մանր-մունր] երկմտանքներից*: Այն շոշափում է ողջ մեր արևմտյան քաղաքակրթությունը:

Քանզի, ի տարբերություն մշակութային այլ տիպերի, վերջինս միշտ էլ մեծ սպասելիքներ է ունեցել իր հիշողությունից: [Ամեն ինչ դրան էր բերում՝ թե՛ քրիստոնեական, թե՛ անտիկ ժառանգությունը: Հույներն ու լատիները՝ մեր առաջին ուսուցիչները, պատմագիր ժողովուրդներ էին: Եվ քրիստոնեությունն էլ պատմաբանների կրոն է: Կրոնական այլ համակարգեր կարողացան իրենց հավատալիքներն ու ծեսերը հիմնել մարդկային ժամանակը գրեթե զանցող դիցաբանություն վրա. մինչդեռ քրիստոնյաների Սուրբ Գիրքը պատմական գիրք է, նրանց Պատարագները Աստծո երկրային կյանքի դրվագների հետ հիշատակում են

ուրիշները խորհրդածություն գրավիչ նյութ գտնում դրանցում: Այդուհանդերձ, քանի որ առիթն այսպես է ներկայացել, լավ է՝ այժմ ևեթ ամբողջում իմ դիրքորոշումը հիրավի հանրաճանաչ մի աշխատության հանդիման, որին գիրքս՝ կառուցված, ի դեպ, բոլորովին այլ նախագծով և իր որոշ բաժիններում նվազ ծավալուն, դուզն իսկ չի հավակնում փոխարինելու: Ինքս աշակերտել եմ այդ երկու հեղինակներին, հատկապես պարոն Սենյոբոսին, և արժանացել թե՛ մեկի, թե՛ մյուսի անգնահատելի բարեհաճությունը: Նախնական կրթությունս համար մեծապես պարտական եմ նրանց դասավանդմանն ու գործին: Բայց նրանք ոչ միայն սովորեցրել են մեզ, որ պատմաբանն առաջին հերթին պիտի անկեղծ լինի, այլ ավելին՝ չեն թաքցրել, որ մեր ուսումնասիրությունների առաջընթացը արդյունք է գիտություն մշակների իրարահաջորդ սերունդների անխուսափելի հակասություն: Ուրեմն ես հավատարիմ կմնամ ուսուցիչներին դասերին, անկաշկանդ քննադատելով նրանց այնտեղ, ուր օգտակար կհամարեմ, քանի որ ուզում եմ, որ մի օր էլ իմ սաները, իրենց հերթին, քննադատեն ինձ»:

*]որքան էլ դրանք հարգելի լինեն[

նաև Եկեղեցու և սրբերի տարեգրությունները: Քրիստոնեությունը պատմական է նաև այլ թերևս ավելի խորքային իմաստով: Մեղսագործություն և Ահեղ Դատաստանի միջև կարգված մարդկության ճակատագիրը, քրիստոնեության պատկերացմամբ, մի երկար արկած է, որի արտացոլանքը ներկայացնում է ամեն անհատական կյանք, ամեն մասնավոր «ուխտագնացություն» իր հերթին: Հենց տեղություն, ուստի և պատմության մեջ է ընթանում Մեղքի և Քավության մեծագույն դրաման՝ քրիստոնեական ամենայն խոկման կենտրոնական առանցքը: Մեր արվեստը, մեր գրական կոթողները լեցուն են անցյալի արձագանքներով: մեր գործիչների շուրթերից չեն իջնում անցյալի դասերը՝ իրական թե մտացածին:

Անկասկած, տեղին կլինի նշել խմբային հոգեբանությունների տարբերության մի քանի նրբերանգ: Կուռուռն¹ վաղուց նկատել է, որ Ֆրանսիացիները, միշտ հակված լինելով վերակառուցելու աշխարհն ըստ բանականության գծերի, մեծ մասամբ նվազ ուժեղություններ են վերապրում իրենց հավաքական հիշողությունները, քան ասենք գերմանացիները: Կասկածից վեր է նաև, որ քաղաքակրթությունները կարող են փոփոխվել: Եվ, ըստ էության, աներևակայելի է, որ մեր քաղաքակրթությունը օրերից մի օր երես թեքի պատմությունից: Խեղամիտ կլինեի, եթե պատմաբանները խորհեին այդ մասին: Վատ ըմբռնված պատմությունը, եթե զգոն չլինենք, կարող է ի վերջո վարկաբեկել նաև լավ հասկացվածը: Բայց եթե երբևէ պիտի գանք դրան, ապա միայն մեր իմացական ամենամնայուն ավանդույթներից կտրուկ հեռանալու գնով:

Այս առումով մենք տակավին խղճի քննության փուլում ենք: Ամեն անգամ, երբ հարատև աճի ճգնաժամ ապրող մեր տխուր հասարակությունները սկսում են կասկածել իրենք իրենց, հարց են տալիս, թե իրավացի² էին, երբ իրենց անցյալն էին հարցաքննում, կամ լա՞վ են արդյոք հարցաքննել: Կարդացեք, թե ինչ էր գրվում պատերազմից

առաջ և ինչ կարող է դեռ գրվել այսօր]։ ներկայիս անորոշ տազնապների խառնահունչ ձայների մեջ դուք գրեթե անվրեպ կզանազանեք այդ տազնապի ձայնը։ Ինձ վիճակվեց որսալ դրա [բուրբուրվին] անմիջական արձագանքը ողբերգության ամենաթեթ պահին։ 1940 թ. հունիսն էր², եթե հիշողությունս չի դավաճանում՝ նույն այն օրը, երբ գերմանացիները մտան Փարիզ։ Նորմանդական պարտեզում, որտեղ տեղակայված զորազուրկ մեր շտաբը պարապուրդի էր մատնված, մենք շարունակ աղետի պատճառներն էինք որոնում։ «Պետք է կարծել, թե պատմությունը խաբել է մեզ»,— մըմնջաց մեզնից մեկը։ Այդպես, հասուն տղամարդու անձկությունը, առավել դառը շեշտով, ձայնակցում էր պատանյակի պարզ հետաքրքրասիրությունը։ Անհրաժեշտ է պատասխան տալ թե՛ մեկին, թե՛ մյուսին։

Ի դեպ, դեռ հարկավոր է պարզել, թե ինչ է նշանակում այդ «պետք» բառը։

Արդարև, եթե նույնիսկ պատմությունը ոչ պիտանի նկատվեր այլ ծառայությունների առումով, ապա հօգուտ նրա կմնար ընդգծել, որ նա զվարճալի է։ Կամ, ավելի ճիշտ,— քանզի ամեն ոք իր զվարճանքը փնտրում է* ուր իր սիրտն է ուզում,— որ շատերին նա անկասկած հենց այդպիսին է թվում**։ Ինձ անձամբ, որքան ինձ հիշում եմ, նա միշտ էլ անչափ զվարճացրել է։ Ինչպես և, կարծեմ թե, բոլոր պատմաբաններին։ Այլապես ինչո՞ւ պիտի հենց այս մասնագիտությունն ընտրեին։ Ամեն ոք, եթե միայն կատարյալ հիմար չէ, հետաքրքիր կհամարի բոլոր գիտությունները։

*]այնտեղ[

** Հավանաբար տեքստի այս հատվածում պետք է գետեղել Մարկ Բլուկի հետևյալ նշումը. «Accessiones Historicae (1700), Նախաբան. Opera, Dutens հրատ., IV—2 հատոր, էջ 55. “Tria sunt quae expetimus in Historia: primum, voluptatem noscendi res singulares; deinde, utilia in primis vitae praecepta; ac denique origines praesentium a praeteritis repetitas, cum omnia optime ex causis noscantur”»³։

Բայց ամեն գիտնական դրանց միջից կգտնի այն միակը, որով զբաղվելն իրեն զվարճությունն կպատճառի: Հայտնաբերել այն նվիրվելու համար. ահա թե որն ենք մենք, փաստորեն, կոչում համարում:

Ի դեպ, պատմության այդ անուրանալի գրավչությունն ինքնին արժանի է խորհրդածության:

Դրա դերը՝ իբրև սաղմ* և խթան, եղել և մնում է առաջնային: Ճանաչողության փափագին նախորդում է պարզապես քիմքը, իր նպատակները լիովին գիտակցող գիտությունն աշխատանքին՝ բնագրը, որն առաջնորդում է դեպի այդ նպատակները. մեր իմացական վարքի էվոլյուցիան լի է այս տեսակ հերթագայություններով: Նույնիսկ Ֆիզիկան իր առաջին քայլերը մեծապես պարտական է «զարմանքի սենյակներին»⁴: Տեսանք նաև, թե ինչպես հնահավաքության փոքրիկ ուրախություններից ծնունդ առան ուսումնասիրություն մի քանի ուղղություններ, որոնք հետզհետե լրջություն ձեռք բերեցին: Այդպես ծնվեցին հնէաբանությունը և ժամանակի առումով մեզ ավելի մոտ ֆոլկլորագիտությունը: Գուցե Ալեքսանդր Դյումայի⁵ ընթերցողներն էլ հնարավոր պատմաբաններ են, որոնք պարզապես վարժված չեն մաքուր և, կասեի, ավելի սուր հաճույքի՝ իրականի հաճույքին:

Եվ, մյուս կողմից, այդ գրավչությունն ամենևին չի կորչում, երբ ձեռնարկվում է մեթոդական փնտրտուքը՝ անհրաժեշտ ողջ խստություն մե հանդերձ. այդ ժամանակ, ընդհակառակը, — բոլոր [իսկական] պատմաբանները կարող են վկայել, — այն դառնում է ավելի վառ ու լեցուն, և այստեղ աներկբայորեն չկա ոչինչ, որ արժանի չլինի ցանկացած մտավոր աշխատանքի**։ Կասկածից վեր է, սակայն, որ պատմությունն ունի և իր ուրույն էսթետիկական հաճույքները, որոնք նման չեն ոչ մի ուրիշ գիտություն

* Նախևառաջ

**] Ճարտարորեն արված ամեն մտավարժանք մի՞թե յուրովի արվեստի գործ չէ: [

Հաճույքների: Բանն այն է, որ նրա մասնահատուկ առարկան կազմող մարդկային գործունեությունների տեսարանը անասելի գրավիչ է մարդու երևակայությունից Համար: Մանավանդ, որ դրանց Հայտածումը, ժամանակի և տարածությունից հեռվությունից շնորհիվ, ձեռք է բերում արտասովորի անորսալի հրապույրներ: Մեծն Լայբնիցն⁶ ինքն է դա խոստովանել. երբ մաթեմատիկական կամ թեոդիցեական Հայեցողություններից անցնում էր Հին Հրովարտականների կամ կայսերական Գերմանիայի վաղեմի տարեգրությունների վերծանման, նա էլ ճիշտ մեզ նման ապրում էր «Հագվազուտ բաներ իմանալու հրճվանքը»: Զգույշ լինենք, որ չգրկենք մեր գիտությունը պոեզիայի իր բաժնից: Զգույշ լինենք Հատկապես, որ չամաչենք դրանից, քանզի ոմանց մոտ նկատել եմ նման զգացում: Զարմանալի Հիմարություն կլիներ կարծել, թե զգացական այդպիսի Հզոր ներգործություն ունենալու Համար պատմությունը պետք է նվազ ունակ լինի բավարարելու մեր միտքը:

Եթե այդուհանդերձ պատմությունը, որն առինքնում է մեզ գրեթե ընդհանրաբար զգալի մի Հմայքով, Հանուն ինքնարդարացման ունենար գեթ իրեն, եթե նա, վերջին Հաշվով, լիներ սոսկ ցանկալի ժամանց, ինչպես բրիջը կամ ձկնորսությունը, մի՞թե արժանի կլիներ բովանդակ ջանքին, որ գործադրում ենք այն գրելու Համար: Գրելու, ասել է թե՛ ազնվորեն, ճշմարտացիորեն գրելու, ըստ կարելվույն բացելով թաքուն դրդապատճառները, ասել է թե՛ դժվարությունը գրելու: Խաղն այլևս անթույլատրելի է մեզ այսօր, նշել է Անդրե ժիդը⁷, բացի մտքի խաղերից, Հավելել է նա: Սա ասվել է 1938-ին: Որքան ավելի ծանրակշիռ իմաստ է ձեռք բերում այս խոսքը 1942-ին, երբ գրում եմ ես՝ իմ Հերթին: Աշխարհում, որը նորերս Հասու է դարձել ատոմի քիմիային և ձեռնամուխ է լինում աստեղային Հեռաստանների գաղտնիքները պեղելուն, իր գիտությունը իրավացիորեն Հպարտ մեր այս խեղճ աշխարհում, որն ընդամին անկարող է մի քիչ

երջանկությունն արարել իր համար, պատմական էրուզի-
ցիայի երկարուձիգ բուսականները, որոնք միանգամայն ունակ են
ողջ կյանքը կլանելու, վստահաբար արժանի կլինեին դատա-
պարտման, իբրև ուժերի հանցավորության աստիճան անհե-
թեթ վատնում, եթե լուկ պիտի հանգեցնեին մեր զվարճանք-
ներից մեկը գուլգն-ինչ ճշմարտությամբ բարեգարգելուն:
Կա՛մ հարկ կլինի հետ պահել պատմությամբ զբաղվելուց բո-
լոր այն ուղեղներին, որոնք կարող են ավելի լավ գործադր-
վել ուրիշ բնագավառներում, կա՛մ էլ պատմությունը որպես
գիտություն պիտի փաստի իր մաքուր խիղճը:

Բայց այստեղ էլ մի նոր հարց է ծառանում. ի՞նչն է ըստ
էության կազմում մտավոր ճիզի օրինականությունը:

Կարծում եմ՝ մեր օրերում այլևս ոչ ոք չի համարձակվի
պնդել, ինչպես առավել խստապահանջ պոզիտիվիստները,
թե հետազոտության արժեքը ամեն ինչում և ամեն ինչի
համար չափվում է գործադրման պիտանիությամբ: Ինչ-
պես փորձն է սովորեցրել, անկարելի է կանխավ որոշել, թե
արտաքուստ ամենից անշահախնդիր մտահայեցություն-
ները օրերից մի օր չեն դառնա գարմանալիորեն օգտակար՝
գործնականում: Եվ հետո, մերժել բարեկեցիկ գոյության
հոգսերից անդին իր մտավոր քաղցը հագեցնելու մարդ-
կության ձգտման իրավունքը՝ կնշանակեր անօրինակ խեղ-
ման ենթարկել նրան: Թող որ *homo faber**-ն ու *politicus***
-ը մշտնջենապես անտարբեր մնան պատմության հանդեպ, ի
պաշտպանություն վերջինիս բավական կլինի և այն համա-
բուժումը, որ նա անհրաժեշտ է *homo-sapiens****-ի լիակատար
ծաղկման համար: Հարցը, սակայն, նույնիսկ այսկերպ սահ-
մանափակված, անմիջապես չի լուծվել:

Մեր բանականությունն ի բնե ավելի հակված է հասկա-
նալու, քան իմանալու: Հետևաբար, ըստ նրա, իսկական են
լուկ այն գիտությունները, որոնք հաջողում են բացատրա-

* Վարպետ (ստեղծող) մարդ (ծ.թ.)

** Քաղաքական մարդ

*** Բանական մարդ

կան կապեր հաստատել երևույթների միջև: Մնացյալը, ինչպես արտահայտվել է Մալբրանշը⁸, ամենագետուլթյուն է: Իսկ ամենագետուլթյունը կարող է միայն զվարճանք կամ մոլուլթյուն լինել, և ինչպես Մալբրանշի ժամանակներում, պատմուլթյունը այսօր էլ հազիվ թե մտքի լավ գործ համարվի: Ուստի, անկախ նույնիսկ իր հնարավոր կիրառականուլթյունից, պատմուլթյունը իրավունք կունենա իր տեղը վիճարկելու մտավոր ճիգին իսկապես արժանի գիտուլթյունների շարքում լուկ այն չափով, ինչ չափով որ պարզունակ անկապակից ու գրեթե անվերջանալի թվարկման փոխարեն, մեզ կխոստանա ռացիոնալ դասակարգում և հարաճուն դյուրմբռնելիուլթյուն:

Սակայն անժխտելի է, որ որևէ գիտուլթյուն միշտ ինչոր առումով պակասավոր պիտի թվա, եթե վաղ թե ուշ չծառայի մեր բարօրուլթյանը: Իսկ ինչպե՞ս չտածենք այդ զգացումը առավել սաստկորեն հենց պատմուլթյան նկատմամբ, չէ՞ որ նա կարծես հստակ նախասահմանված է գործելու ի շահ մարդու, քանզի հենց մարդն ու իր արարքներն են նրա առարկան: Հիրավի, առնվազն բնագրի համարժեք վաղնջական մի հակում դրդում է մեզ պատմուլթյունի՛ց պահանջելու միջոցներ մեր արարքների ուղղորդման համար: Իսկ հետո, երբ հանկարծ նա անգոր է գտնվում հայթայթել դրանք՝ վրդովվելու նրա դեմ, ինչպես այն պարտված զինվորը, որի խոսքերը* հիշատակեցի: Պատմուլթյան օգտակարուլթյան խնդիրը իր նեղ՝ օգտակար բառի «կիրառական» իմաստով չպետք է չփոթվի նրա օրինականուլթյան գուտ իմացական խնդրի հետ: Այն, ի դեպ, կարող է ծագել լուկ երկրորդ հերթին. չէ՞ որ խելամտորեն գործելու համար նախ հարկավոր է հասկանալ: Բայց այս խնդիրը նույնպես չպիտի չրջանցվի, եթե անգամ ողջամտուլթյան ամենահրամայական ցուցումներին միայն կիսով չափ պատասխանելու լինենք:

*]քիչ առաջ[

Մեր խորհրդատուներից կամ այդ դերի հավակնորդներից ոմանք արդեն պատասխանել են այս հարցերին: Անշուշտ, լուկ մեր հույսերը հողմացրիվ անելու համար: Ամենից հանդուրժողներն ասացին՝ պատմությունը գուրկ է թե՛ օգուտից, թե՛ հիմնավորությունից: Այլք, որոնց խստությունը չափ չի ճանաչում, հայտարարեցին՝ այն վտանգավոր է: «Մտքի քիմիայի մշակած ամենավտանգավոր արգասիքը», – ահա թե ինչպես արտահայտվեց նրանցից մեկը⁹, որը բնավ էլ անհայտներից չէր⁹: Այսօրինակ դատավճիռները մի սարսափելի գրավչություն ունեն. դրանք կանխավ արդարացնում են անգիտությունը: Բարեբախտաբար մեր մեջ դեռ մի բան մնացել է ոգու հետաքրքրասիրությունից, ինչն էլ, թերևս, հնարավոր է դարձնում դրանց բողոքարկումը:

Եթե, սակայն, քննությունը պիտի շարունակվի, հարկ է, որ այն հիմնվի առավել ստույգ տվյալների վրա:

Քանզի կա նախագգուչություն ասվածը, որը ակնհայտորեն ծանոթ է պատմության շարքային գրպարտիչների: Նրանց ճառերում ո՛չ պերճախոսության պակաս կա, ո՛չ մտքի: Եվ սակայն, նրանք մեծ մասամբ մոռանում են ստույգ տեղեկանալ իրենց շոշափած նյութի մասին: Այն պատկերացումը, որ նրանք ունեն մեր ուսումնասիրությունների մասին, արհեստանոցում չի կազմվել: Դրանից ավելի շուտ հետաորության ու Ակադեմիայի հոտ է փչում, քան՝ աշխատասենյակի*: Իսկ գլխավորը՝ այն իր դարն ապրել է: Այնպես որ, այդքան ավյուն, ի վերջո, երևի թե վատնվում է լուկ մի ցնորապատկեր նզովելու համար: Մեր գործն այս գրքում պիտի բոլորովին այլ լինի: Մենք փորձելու ենք չափել այն մեթոդների ստուգության աստիճանը, որոնք, ընդհուպ աննշան ու նրբին տեխնիկական մանրուքները, իրապես կիրառվում են հետազոտության մեջ: Մեր խնդիրները կլինեն հենց այն խնդիրները, որոնք պատմաբանին

* ՄԱԼԵՐ Վանդալն¹⁰ այստեղ գուցե ճանաչեց իրեն. իսկ Պիրենը չընդունեց!

օրավուր առաջադրում է իր իսկ նյութը*։ Մի խոսքով, ամենից առաջ կուզենայինք պատմել, թե ինչպես և ինչու է պատմաբանը գործադրում իր արհեստը։ Հետո թող ընթերցողն ինքը որոշի՝ արժանի՞ է այն կիրառման, թե՞ ոչ։

Ուշադիր լինենք, սակայն։ Աշխատանքը, նույնիսկ այսօրվա ընկալված և սահմանափակված, սոսկ առերևույթ կարող է պարզ թվալ։ Այն կարող էր պարզ լինել, եթե մեր առջև ունենայինք կիրառական արվեստներից մեկնումեկը, որոնց մասին հնարավոր է բավարար չափով հաշվետու լինել՝ իրար հետևից թվարկելով նրանց՝ ժամանակի փորձությունը բռնած հնարքները։ Բայց պատմությունը ո՛չ ժամագործություն է, ո՛չ էլ կահույքագործություն։ Այն ավելի լավ ճանաչելուն միտված ջանք է, հետևաբար և շարժման մեջ գտնվող մի բան։ Սահմանափակվել որևէ գիտության առկա վիճակի նկարագրությամբ՝ կնշանակի միշտ ինչ-որ չափով դավաճանել նրան։ Շատ ավելի կարևոր է ասել, թե ինչպիսին է այն ակնկալում դառնալ աստիճանաբար։ Ուստի նման ձեռնարկը վերլուծաբանից անխուսափելիորեն պահանջում է անձնական ընտրության բավական մեծ չափաբաժին։ [Հիրավի, ամեն գիտություն իր յուրաքանչյուր փուլում մշտապես ենթարկվում է տարբեր միտումների ներթափանցման, որոնք անհնար է միմյանցից տարանջատել, առանց ապագայի որոշ կռահման։] Մենք մտադիր չենք ընկրկելու նման անհրաժեշտության առջև։ Մտքի ոլորտում, ոչ պակաս, քան որևէ այլ ասպարեզում, պատասխանատվության երկյուղը հանձնարարելի զգացում է։ Բայց և այնպես, ի սեր ազնվության զգուշացնում ենք ընթերցողին այդ մասին։

Բացի այդ, դժվարությունները, որոնց անխուսափելիորեն բախվում է մեթոդների ամեն ուսումնասիրություն, շատ տարբեր են լինում՝ կախված այն կետից, ուր տվյալ

*]. Իհարկե՝ եթե գործին ձեռք զարնելիս նա գոնե մի քիչ զինվի քննադատական հայեցողության ոգով, առանց որի, ճիշտն ասած, ինչդիր չի էլ լինում։ Երկու բան է հարկավոր գիտական գործի համար՝ նյութ և մարդ։ [

պահին հասած է լինում յուրաքանչյուր գիտակարգ իր զարգացման միշտ փոքր-ինչ ընդհատուն կորագծի վրա: 50 տարի առաջ՝ Նյուտոնի միանձնյա իշխանություն օրոք, իմ պատկերացմամբ, այսօրվա համեմատությունամբ անսովոր կերպով հեշտ է եղել կազմել մեխանիկայի շարադրանքը, [ընդ որում՝] գծագրային ճշգրտությունամբ: Իսկ պատմությունը դեռևս այնպիսի փուլում է, որը շատ անբարենպաստ է ստուգությունների համար:

Քանզի պատմությունը սոսկ ընթացքի մեջ գտնվող գիտությունն է: Այն նաև իր մանկությունն ապրող գիտություն է, ինչպես բոլոր այն գիտությունները, որոնց առարկան ռացիոնալ ճանաչողության դաշտում ուշացած մարդկային ոգին է: Կամ ավելի լավ կլինի ասել՝ պատումի սաղմնային ձևն ընդունած մի զառամյալ, որ երկար ծանրաբեռնված է եղել պատրանքներով, էլ ավելի երկար կառչել է ամենաանմիջականորեն ընկալելի իրադարձություններից, իսկ որպես վերլուծության հիմնավորված ձեռնարկ լրիվ մանուկ է մնացել: Պատմությունը վերջապես ջանում է թափանցել մակերեսային փաստերի տակ և առասպելի կամ հոետորաբանության հմայքները վանելուց հետո՝ դուրս թափել ողջամտությամբ քողարկված սովորական էրուզիցիայի ու էմպիրիզմի թույնը, որը շատ ավելի վտանգավոր է այսօր: Այն դեռ առաջին վարանոտ քայլերն է անում իր մեթոդի ինչ-ինչ կարևոր խնդիրներ շոշափելու ուղղությամբ: Եվ հենց այս պատճառով էլ Ֆյուստել դը Կուլանժը, իսկ նրանից առաջ դեռ Բեյլը¹¹, անշուշտ այնքան էլ չէին սխալվում՝ ասելով, որ պատմությունը «դժվարագույնն է բոլոր գիտություններից»*:

* Հավանաբար հենց այստեղ պիտի գետեղվի Մարկ Բլոկի հետևյալ նշումը. «Պոլ Գիրոյի¹² մեջբերումը Ֆյուստել դը Կուլանժից, Բեյլ, Բառաբան, հոգված “Ռընո”։ “Պատմությունը առհասարակ դժվարագույնն է բոլոր այն շարադրանքներից, որ հեղինակը կարող է ձեռնարկել, կամ դժվարագույններից մեկը”» (և Մարկ Բլոկի ձեռքով արված մի հակիրճ նշում «հարկ է ստուգել»):

[Այնուամենայնիվ, մոլորությունն չէ՞ արդյոք դա: Որքան էլ մեր ուղին շատ հարցերում անորոշ լինի, ինձ թվում է՝ ներկայիս մեր դիրքը, մեր անմիջական նախորդների համեմատությամբ, ավելի բարենպաստ է փոքրիշատե հստակ տեսնելու համար:

Մեզ նախորդած սերունդները XIX դ. վերջին տասնամյակներից մինչև XX դ. առաջին տարիները ապրեցին ասես զգայախաբ եղած Ֆիզիկական աշխարհի գիտությունների խիստ կարծր, հիրավի կոնստյան պատկերով: Տարածելով այդ հեղինակավոր սխեման հոգևոր ձեռքբերումների ամբողջության վրա, նրանք կարծում էին, թե չի կարող լինել իսկական գիտություն, որը չհանգեցնի միանգամից անհերքելի ապացույցների և հրամայաբար ընդհանրական օրենքի տեսքով ձևակերպված ստուգությունների: Եվ սա գրեթե միահամուռ կարծիք էր: Բայց կիրառվելով պատմական հետազոտություններում, այն, խառնվածքներից կախված, ծնունդ տվեց երկու հակադիր միտումների:

Ոմանք իսկապես հնարավոր էին համարում մարդկային էվոլյուցիայի գիտություն հիմնումը, որը կհամապատասխաներ որոշ իմաստով համագիտական այդ իդեալին, և անմնացորդ նվիրումով աշխատում էին ստեղծել այն. ի դեպ՝ անգամ խիստ մարդկային, բայց ռացիոնալ որևէ գիտելիքի անհուսորեն չտրվող, ինչպես նրանք էին կարծում, շատ իրողություններ մարդկանց մասին այդ իմացության հասանելիությունից մեկընդմիջտ դուրս թողնելու գնով: Եվ այդ թափոնը այն էր, ինչ նրանք արհամարհանքով կոչում էին իրադարձություն. դա նաև անհատական ամենախնտիմ կյանքի մեծագույն մասն էր: Ընդհանուր առմամբ այդպիսին էր Դյուրկհայմի հիմնած սոցիոլոգիական դպրոցի դիրքորոշումը: Անշուշտ, եթե հաշվի չառնենք այն մեղմացումը, որ առավել խելամիտները հետզհետե հաղորդեցին սկզբունքների նախնական կոչությունը, որպեսզի թեկուզ ակամա չենթարկվեն հանգամանքների ճնշումին: Մեր ուսումնասիրությունները շատ բանով պարտական են այդ

մեծ ճիգին: Այն մեզ սովորեցրեց ավելի խորությամբ վերլուծել, առավելագույնս մոտենալ խնդիրներին և չմտածել, կհամարձակվեի ասել, էժան բաների մասին: Այդ դպրոցն այստեղ կհիշվի միմիայն անսահման երախտագիտությամբ ու հարգանքով: Եվ եթե այսօր այն գերազանցված է թվում, ապա մտավոր բոլոր հոսանքները իրենց արգասավորության համար վաղ թե ուշ հենց այդպես են հատուցում:

Մինչդեռ ուրիշ ուսումնասիրողներ նույն այդ ժամանակ բոլորովին այլ դիրք բռնեցին: Չհաջողելով խցկել պատմությունը ֆիզիկական օրինաչափությունների շրջանակների մեջ, և, ի լրումն դրա, առանձնակի սրտնեղելով, — պատճառը իրենց նախնական կրթությունն էր, — դժվարություններից, կասկածներից, վավերագրերի քննադատությունը կրկին ու կրկին վերադառնալու անհրաժեշտությունից, նրանք այս բացահայտումներից նախևառաջ սթափ խոնարհություն դաս քաղեցին: Գիտակարգը, որին իրենց տաղանդն էին նվիրաբերել, ի վերջո նրանց անընդունակ թվաց թե՛ ներկայում հավաստի եզրահանգումներ անելու, թե՛ ապագայում առաջընթացի լայն հեռանկարներ բացելու համար: Ի դեմս պատմության նրանք հակված էին տեսնելու ավելի շուտ էսթետիկական խաղի կամ, լավագույն դեպքում, ոգու առողջությունը նպաստող հիգիենիկ վարժություն նման մի բան, քան իսկապես գիտական ճանաչողություն: Նրանց երբեմն անվանում էին «պատմող պատմաբաններ»։ անարգական ծաղրանուն մեր ընկերակցություն համար, քանզի դրանով պատմության էությունը կարծես հանգեցվում էր նրա կարողությունների ինքնին ժխտմանը: Ինչ վերաբերում է ինձ, ես ավելի արտահայտիչ մի հավաքական նշան կգտնեի նրանց համար ֆրանսիական մտքի զարգացման այդ փուլում, որին նրանք կապվում են:

Սիրալիր և խուսափուկ Միլվեստր Բոննարը¹³ ժամանակավրեպություն է, եթե իհարկե հիմք ընդունենք այն ժամանակները, որ գիրքն է վերագրում նրա գործունեությունը. ճիշտ ինչպես հնադարի սրբերը, որոնց Միջնադարի

գրողները միամտաբար իրենց սեփական ժամանակին բնորոշ գույներով էին նկարագրում: Սիլվեստր Բոննարին (եթե գեթ մի պահ հավատալու լինենք այդ մտացածին կերպարի մարմնավոր գոյությունը), Առաջին կայսրության¹⁴ օրոք ծնված իսկական Սիլվեստր Բոննարին ռոմանտիկ պատմաբանների երևելի սերունդը զեռ կարող էր իրենը համարել. նա կկիսեր վերջիններիս զգայացունց ու բեղուն խանդավառությունը, պատմության «փրկիստփայություն» ապագայի նրանց մի քիչ միամիտ հավատը: Մի կողմ թողնենք ժամանակաշրջանը, որին ենթադրաբար պիտի պատկաներ Բոննարը, և վերադարձնենք նրան այն ժամանակները, երբ զբվել է այդ երևակայական կենսագրությունը: Նա արժանի կլիներ հանդես գալու իբրև հովանավոր և համքարային սուրբ՝ իր կենսագրի համարյա թե մտավորական ժամանակակիցները եղած պատմաբանների մի ամբողջ խմբի համար. խորապես պարկեշտ, բայց փոքր-ինչ կարճաշունչ աշխատավորներ, որոնք երբեմն ասես ռոմանտիզմի պատմական մեծ խրախճանքների խոնջանքն են կրում իրենց սուկորներում, ինչպես այն երեխաները, որոնց հայրերը չափից շատ են տրվել զվարճանքների. նարնք հակված էին իրենք իրենց զգալիորեն ցածրացնելու լաբորատորիայի եղբայրակիցների առջև և ցանկանում էին, ընդհանուր առմամբ, հորդորել մեզ ավելի շուտ զգուշավորություն, քան եռանդուն մղումի: Չարամտություն չի՞ նկատվի արդյոք նրանց նշանաբանը փնտրել այն զարմանալի խոսքերում, որ մի օր հնչեցին իմ թանկագին ուսուցիչ Շառլ Սենյոբուսի, ընդամին սուր մտքի տեր մարդու շուրթերից. «Հարցեր առաջադրելը շատ օգտակար է, բայց պատասխանելը՝ խիստ վտանգավոր»¹⁵: Սա պարծենկոտի խոսք էս համարի անշուշտ: Բայց եթե Ֆիզիկոսներն էլ ավելի ու ավելի համարձակ չգտնվեին, ո՞ր հասած կլիներ հիմա Ֆիզիկան:

Այսպիսով, մեր մտավոր մթնոլորտն այլևս նույնը չէ: Գազերի կինետիկ տեսությունը, Այնշտայնի մեխանիկան, քվանտային տեսությունը խորապես փոխել են այն պատկե-

րացումը, որ դեռ երեկ յուրաքանչյուրն ուներ գիտություն մասին: Անշուշտ չեն փոքրացրել, այլ ճկուն են դարձրել այն: Շատ դեպքերում աներկբայելի փոխարինել են անվերջ հնարավորով, ճշգրտորեն չափելին՝ չափի հավերժ հարաբերականություն հասկացությամբ: Դրանց ազդեցությունը զգալի եղավ նույնիսկ այն բազմաթիվ ուղեղների վրա, — պիտի, ավա՛ղ, ինձ էլ դասեմ նրանց շարքին, — որոնց կարողությունների կամ կրթության տկարությունը թույլ չի տալիս հետևել այդ վիթխարի փոխակերպությանն այլ կերպ, քան հեռվից և մի տեսակ անդրադարձված ձևով: Այսուհետ մենք ավելի պատրաստված ենք ընդունելու, որ որևէ ճանաչողություն, թող որ անզոր՝ էվկլիդեսյան ապացույցներ կամ կրկնություն անսասան օրենքներ բանաձևելու, կարող է, այդուհանդերձ, հավակնել գիտական կոչման: Մեզ համար շատ ավելի դյուրին է ստուգությունն ու ընդհանրականությունը աստիճանի ինդիք դարձնել: Մենք մեզ այլևս հարկադրված չենք զգում գիտելիքի բոլոր առարկաներին բնական գիտություններից փոխառված միակերպ իմացական մոդել պարտադրելու, քանզի այդ տրամաչափը բնական գիտություններում իսկ լիովին կիրառելի չէ արդեն: Մենք տակավին չգիտենք, թե հետագայում ինչ կլինեն մարդու մասին գիտությունները: Բայց գիտենք, որ լինելու համար, — անշուշտ ենթարկվելով բանականության հիմնական կանոններին, — դրանք պետք չունեն ո՛չ հրաժարվելու և ո՛չ էլ ամաչելու իրենց ինքնատիպությունից:]

Ես կուզեի, որ մասնագետ պատմաբանների մեջ հատկապես երիտասարդները վարժվեին մեր գործի այս երկմտանքների, այս մշտնջենական «ապաշխարությունների» շուրջ խորհրդածելուն: Դա կլինի մտածված ընտրությամբ սեփական ջանքերի ողջամիտ կառավարմանը նախապատրաստվելու ամենահուսալի միջոցը: Ես հատկապես կուզեի, որ ավելի ու ավելի շատ երիտասարդներ գային դեպի այս պատմությունը՝ ընդլայնված և միաժամանակ խորացող, որի

գաղափարը շատերս ենք հղացել,— և մեր շարքերն օրեցօր ստվարանում են: Եվ եթե այս գիրքը կարող է օգնել նրանց այդ հարցում, ապա կիմանամ, որ այն [բացարձակապես] ապարդյուն չի եղել: Այն, պիտի խոստովանեմ, ծրագրային մաս է բովանդակում:

Սակայն ես չեմ գրում բացառապես, ոչ էլ նույնիսկ հատկապես, արհեստանոցի ներքին կիրառման համար: Սովորական հետաքրքրասերներից էլ, ըստ իս, չպիտի ծածուկ պահվեն մեր գիտություն վարանումները: Դրանք մեր արդարացումն են: Ավելին՝ դրանք թարմություն են հաղորդում մեր ուսումնասիրություններին: Մենք ոչ միայն իրավունք ունենք ներողամտություն հայցելու պատմություն համար, ինչը պատշաճում է բոլոր սկիզբներին: Անավարտը, եթե մշտապես ձգտում է գերազանցել ինքն իրեն, դուլզն-ինչ հրայրքոտ մտքի համար նույն գրավչությունն ունի, ինչ կատարելագույն արդյունքը: Լավ մաճկալին վարուցանքը նույնքան սիրելի է, որքան հունձքը, այսպես կամ մոտավորապես այսպես է ասել Պեգին*:

Հարկ է, որ այս կարճառոտ ներածականս ավարտեմ մասնագիտական մի խոստովանությունով: Յուրաքանչյուր գիտություն, առանձին վերցված, այլ բան չէ, քան ճանաչողություն միտված համընդհանուր շարժման մի հատված: [Արդեն առիթ ունեցել եմ դրա օրինակը բերելու.] հետազոտական իր հնարքները, թեկուզ առերևույթ ամենամասնավոր, լավ հասկանալու և զնահատելու համար, նա պիտի [կարողանա միանգամայն հուսալիորեն] աղերսել դրանք այլ գիտակարգերում համաժամանակ զրոսեորվող միտումների ամբողջության հետ: Ինքնին մեթոդների ուսումնասիրությունը յուրովի կազմում է մի մասնագիտություն, որը գործադրողներն իրենց փիլիսոփա են անվանում: Այս կոչմանը

* Առաջին խմբագրության մեջ այստեղ եղել է մի հատված, որը վերջնական խմբագրության մեջ տեղափոխվել է առաջին գլուխ:

ես իրավասու չեմ հավակնելու: Նախնական կրթությանս այդ բացի պատճառով սույն ակնարկն, անտարակույս, շատ բան է կորցրել ինչպես լեզվի ճշգրտութեան, այնպես էլ մտահորիզոնի լայնութեան առումով: Ինձ մնում է այն առաջարկել ինչպես որ կա՝ իբրև վարպետի հուշատետր, որը միշտ սիրել է խորհրդածել իր հանապազօրյա գործի շուրջ, կամ ենթավարպետի ծոցատետր, որը տարիներ ի վեր չափաճող ու հարթաչափ է գործածել՝ առանց իրեն մաթեմատիկոս երևակայելու*:

* Մարկ Բլոկի նշումը. «Թերևս ավելորդ չի լինի, եթե ներողութեան մի հայց էլ հավելեմ. իմ այժմյան կյանքի հանգամանքները, որևէ մեծ գրադարանի հասու լինելու անկարողությունս, գրքերիս կորուստը ստիպում են ինձ առավելապես ապավինել իմ գրառումներին ու փորձառությունը: Ես հիմնականում գրկված եմ հավելյալ ընթերցանության ու ճշգրտումների իրավունքից, որ պահանջում են այս գործի օրենքները, գործ, որի պրակտիկան մտադիր եմ ներկայացնել: Կտրվի՞ ինձ արդյոք հնարավորություն մի օր լրացնելու այդ բացերը: Վախենամ՝ լիովին երբեք: Այսպիսով, ես կարող եմ լով ներողամտություն հայցել. անշուշտ կասելի՝ “ինձ մեղավոր եմ ճանաչում”, եթե դա չնշանակեր արդարություն դեմ մեղանչելով ստանձնել ճակատագրի սխալները»: